



UNIVERZITET U ZENICI
- R E K T O R A T -
Kancelarija menadžera za kvalitet
01-105-005-2016/14
Zenica, 18. 06. 2014. godine

Z A P I S N I K

sa 08/2014. sastanka Odbora za kvalitet Univerziteta u Zenici
održanog u utorak, 17. 06. 2014. godine, u 11,00 sati
u Rektoratu Univerziteta u Zenici

Prisutni: v. asist. mr. sc. Ibrahim Plančić, QA menadžer UNZE-a; Mediha Arnaut, dipl. pravnik, generalni sekretar; Maid Pračić, sekretar Ministarstva za obrazovanje, nauku, kulturu i sport ZDK; prof. dr. Malik Čabaravdić, prodekan i QA menadžer Politehničkog fakulteta; doc. dr. Nebojša Vasić, QA menadžer Filozofskog fakulteta; doc. dr. Spahija Kozlić, QA menadžer Pravnog fakulteta; doc. dr. Adnan Mujkanović, QA menadžer Fakulteta za metalurgiju i materijale; mr. sc. Belma Fakić, QA menadžerica Metalurškog instituta; Miralema Bašić-Buzaljko, dipl. inž., direktorica Studentskog centra; Aras Borić, dipl. bibliotekar i dipl. komparativista, voditelj Univerzitetske biblioteke; Denis Vejzović, student i Lamija Subašić, prof.

Za sastanak je jednoglasno prihvaćen izmijenjeni

DNEVNI RED

1. Preliminarna analiza eksterne evaluacije Univerziteta u Zenici od strane Komisije stručnjaka HEA BiH i prvi set koraka na popravljanju stanja
 - 1.1. Alumni organizacije na OJ
 - 1.2. Praksa studenata
 - 1.3. Forumi zainteresovanih strana („stakeholders“) pri OJ
 - 1.4. Mobilnost osoblja i studenata
 - 1.5. Strategija razvoja UNZE-a 2015-2020
2. Analiza stanja dokumentacije QA u procesu izrade i usvajanja
3. Razno

Ad. 1.

Odbor za kvalitet upućuje čestitke svim učesnicima na ozbiljnom pristupu procesu eksterne evaluacije, koja je potvrdila da Univerzitet u Zenici nema nekih ozbiljnih nedostataka u radu.

Doc. dr. Spahija Kozlić smatra da se ocjena Komisije može podijeliti u dvije grupe: primjedbe Univerzitetu i primjedbe ZDK u vezi s finansijskom nesamostalnosti kao posljedicom trezorskog poslovanja, što izaziva opadanje nivoa naučnog rada. Radi boljeg funkcionisanja Univerziteta predlaže da menadžment UNZE-a razgovara s Osnivačem o ovom problemu.

S obzirom da je Pravni fakultet UNZE-a uspostavio Alumni organizaciju, doc. dr. Kozlić preporučuje da ostali fakulteti preuzmu s web-stranice PrF-a sve potrebne dokumente za osnivanje ove organizacije. Također smatra da je mobilnost studenata teži problem i da se dosta mora napraviti u vezi s primjedbama Komisije.

Prema riječima mr. Ibrahima Plančića treba sačekati da stigne pisani izvještaj Komisije, a dotad se fokusirati na ono što se može napraviti na UNZE-u: imenovati odgovorne osobe koje će do sljedećeg sastanka pripremiti pregled stanja i dati preporuke u vezi s tačkama 1.1.-1.5. dnevnog reda.

Doc. dr. Nebojša Vasić smatra da svi studenti treće godine studija mogu u sklopu školovanja provesti jedan mjesec vani. Međutim, i studenti se moraju obavezati, jer mobilnost nije samo odgovornost Osnivača nego i nastavnika i studenata. Doc. dr. Vasić pripremit će plan mobilnosti studenata za sve fakultete UNZE-a.

Direktorica Bašić-Buzaljko istaknula je da su i uposlenici Studentskog centra (SC) dali mali doprinos procesu eksterne evaluacije, čiji značaj za Univerzitet su prepoznali. S obzirom na razlike između drugih OJ i SC, Centar nema Alumni organizaciju, mada se studenti organizuju na društvenim mrežama (npr. Facebook). Što se tiče Forumu zainteresovanih strana/stakeholders, SC nije ga htio oformiti prije UNZE-a, mada neće biti problem uspostaviti Forum SC-a. Direktorica Bašić-Buzaljko je dodala da nije dobila upitnik

za Strategiju 2015-2020. U vezi sa studentskom mobilnošću predlaže da se osnuje neki fond, jer su studenti u teškoj materijalnoj situaciji.

Mr. Plančić smatra da bi se moglo preporučiti osnivanje fonda za mobilnost studenata na nivou Federacije BiH.

Predstavnik studenata Denis Vejzović se slaže s doc. dr. Vasićem i smatra da su studenti nedovoljno aktivni, te predlaže da se na nivou svake OJ skupa s prodekanima za nastavu, Odborom za kvalitet i Asocijacijom studenata pokuša promijeniti svijest studenata. Također dodaje da se za putovanja ne mora uvijek tražiti ekskluzivna ponuda, već da se preko Službe za međunarodnu saradnju nađu neke ponude koje pokrivaju sve troškove.

S obzirom da je svaki fakultet specifičan, doc. dr. Adnan Mujkanović predlaže formiranje timova na fakultetima, koji će raditi na ovih pet tačaka (od 1.1. do 1.5.) i do sljedećeg sastanka Odbora dostaviti svoje prijedloge.

U skladu s preporukama Komisije stručnjaka, gen. sekretar Mediha Arnaut je predložila da se pored navedenih dodaju još dvije tačke: poboljšanja u vezi s nastavom stranog jezika na fakultetima UNZE-a i uspostavljanje Službe za informaciono-komunikacione tehnologije UNZE-a, koja je definirana Pravilnikom o unutrašnjoj organizaciji i sistematizaciji radnih mjesta JU Univerzitet u Zenici, ali je nepopunjena.

Mr. Plančić će navedeno uvrstiti u novi plan aktivnosti.

Maid Pračić, sekretar Ministarstva za obrazovanje, nauku, kulturu i sport ZDK pitao je za uputu prof. dr. Gašpar, predsjednice Komisije stručnjaka, prema kojoj niko izvan UNZE-a ne treba biti u Odboru za kvalitet, jer je to interno tijelo UNZE-a. U vezi sa studentskom mobilnošću kaže da je Univerzitet svoju obavezu izvršio time što je mobilnost predvidio u Strategiji i svojim aktima. Također, g. Pračić smatra da teza o ugroženosti autonomije UNZE-a zbog trezorskog poslovanja ne stoji. To su tehničko-operativna pitanja, koja su izvan domena i Ministarstva i Univerziteta. Sigurno je da se od trezorskog poslovanja neće odustati, ali promjene, koje će olakšati NIR, mogu se napraviti i već se dvije godine radi na pronalazanju način da se ne ugrožavaju ljudi koji donose projekte na UNZE, od kojih imaju korist i Kanton i UNZE. Želja da se brže vidi svoj novac je razumljiva, a dobar primjer daju škole, jer su sve upravljale donacijama koje su dobile. Stoga, trezorsko poslovanje ostaje, ali moguće je uvesti i neki modalitet upravljanja.

Doc. dr. Spahija Kozlić podržava da se nađe modalitet lakšeg dolaska do novca, jer istraživači odlaze s UNZE-a i prijavljuju projekte gdje ih lakše mogu realizovati.

Članovi Odbora za kvalitet jednoglasno su usvojili sljedeće

ZAKLJUČKE

1. Odbor za kvalitet je zadovoljan provedenim aktivnostima i preliminarnim rezultatima eksterne evaluacije, te izražava zadovoljstvo ocjenom Komisije stručnjaka.
2. U tom smislu, Odbor za kvalitet zahvaljuje svim učesnicima procesa i predlaže da se svima pripreme certifikati o učešću te zahvalnice osobama izvan UNZE-a: predstavnicima zainteresovanih strana, Ministarstva, itd. QA menadžeri i ECTAS koordinatori zadužuju se da daju prijedloge u vezi s navedenim. Certifikati i zahvalnice mogu se dodijeliti prilikom dobivanja konačnog pismenog izvještaj o procesu eksterne evaluacije UNZE-a od Komisije stručnjaka.
3. S obzirom na izrečene preporuke Komisije stručnjaka, Odbor za kvalitet predlaže da se održe sastanci na OJ radi donošenja mjera za poboljšanje. Također, Odbor zadužuje članove da sagledaju stanje i daju preporuke kako slijedi:
 - ✓ doc. dr. Spahija Kozlić – Plan za uspostavljanje organizacijâ završenika/alumnija na svim fakultetima Univerziteta u Zenici (po uzoru na Alumni organizaciju Pravnog fakulteta UNZE-a)
 - ✓ prof. dr. Malik Čabaravdić - Stanje izvođenja studentske prakse, sagledano po fakultetima, i preporuke za poboljšanje
 - ✓ doc. dr. Adnan Mujkanović – Plan za uspostavljanje forumâ zainteresovanih strana ("stakeholders") na svim fakultetima Univerziteta u Zenici
 - ✓ doc. dr. Nebojša Vasić – Plan i preporuke za poboljšanje mobilnosti osoblja i studenata UNZE-a
 - ✓ prof. dr. Darko Petković i mr. Ibrahim Plančić – Strategija razvoja UNZE-a za period 2015-2020

Ad.2.

Članovi Odbora za kvalitet jednoglasno su usvojili sljedeći

ZAKLJUČAK

Mediha Arnaut, Aras Borić i Ibrahim Plančić treba da do sljedećeg sastanka sagledaju koja je dokumentacija zastarjela i šta treba inovirati.

Sastanak je završen u 12,05 sati.
Zapisnik vodila: Lamija Subašić, prof.

Menadžer za kvalitet
Univerziteta u Zenici

Prorektor za međunarodnu saradnju i
osiguranje kvaliteta Univerziteta u Zenici

Ibrahim Plančić

/mr. Ibrahim Plančić/

Dostavljeno:

- Menadžeri za kvalitet OJ UNZE-a (9x)
- Prorektori UNZE-a (4x)
- Generalni sekretar UNZE-a
- Predstavnici studenata (3x)
- Bibliotekar Univerzitetske biblioteke
- ECATS koordinator UNZE-a
- Amra Muslić, Ured za međunarodnu saradnju
- mr. Dženan Kulović, menadžer Kancelarije za kompetencije i razvoj karijera
- mr. Azemina Durmić, menadžerica Kancelarije za osobe s posebnim potrebama
- Maid Pračić, sekretar Ministarstva za obrazovanje, nauku, kulturu i sport ZDK

Darko Petković

/Prof. dr. sc. Darko Petković/